

Oqaluuserisassanut nassuiaat

(Inatsisartunut sivisunerpaamik ilaasortaasimasoq)

2018-imi immikkut ittumik ataatsimiinnermut IIA2018-imut oqaluuserisassatut siunnersuutit ulloq 17. maj 2018 saqqummiunneqarput. Oqaluuserisassat saqqummiunneqartut uparuarneqanngillat.

Oqaluuserisassat saqqummiunneqareersullu ataatsimiititalianut ataavartunut ataatsimiititalianullu inatsisit naapertorlugit pilersinneqartussanut ataasiakkaanut ilaasortassanik ullumi aamma toqqaasoqarnissaanik qinnuteqaammik Siulittaasoqarfik tigusaqarpoq akuerineqartumik. Taamaattumik ullumi ataatsimiinnermi oqaluuserisassani immikkoortup kingulliup tulliatus oqaluuserisassani immikkoortoq 4: Inatsisartuni ataatsimiititalianut ilaasortassanik sinniisussanillu qinersineq, Siulittaasoqarfiup ilannguppaa. Maani Inatsisartut ataatsimiittarfianni ataatsimiinnerup naammassinerata kinguninngua ataatsimiititaliat inissitsiterlutik ataatsimiissapput.

Oqaluuserisassani immikkoortoq 5: Siunnersuisoqatigiinnut Aalajangiisartutullu ataatsimiititalianut ilaasortassanik sinniisussanillu inassuteqarneq, ullumi ataatsimiinnermi oqaluuserisassani immikkoortutut kingullertut oqaluuserineqaqqittariaqarpoq, kingullermik oqaluuserineqarnerani inassuteqaateqarfissaq ataaseq ilanngutinngitsoorneqarsimammat.

2018-imi ukiakkut ataatsimiinnerup UKA2018-ip qaqugu aallartinnissaanik Siulittaasoqarfiup inassuteqaataa ullumi oqaluuserisassani immikkoortutut 6-itut ilanngunneqarpoq: 2018-mi Inatsisartut Ukiakkut ataatsimiinnissaata aalajangiiffiqineqarnera.

Ullumi ataatsimiinnermi oqaluuserisassat taamatut oqaaseqarfialugit akuerineqartutut isigineqarput.

Landsrådimut ilaasortaasimasoq Oluf Høegh ulloq 15. maj 2018 toqkukut qimaguppoq. Oluf Høegh 91-inik ukioqalerpoq. Oluf Høegh piffissami 1963-imiit 1967-imut Landsrådimut ilaasortaavoq.

Oluf Høegh tallimangornermi ulloq 18. maj Humlebækup oqaluffianiit ilineqarpoq.

Eqqaaneqarnera ataqqinartuuli.

Siunnersuutigaa eqqaaniarlugu minutti ataaseq nipangersimassasugut.

Ilaasortat uku akornanni taasisarnerit pillugit isumaqatigiissuteqartoqarpoq:

Emanuel Nûko, Partii Naleraq aamma Justus Hansen, Demokraatit

Aleqa Hammond, Nunatta Qitornai aamma Niels Thomsen, Demokraatit

Taamaalilluta aamma oqaluuserisassani immikkoortumut tullermut ingerlaqqissinnaanngorpugut.

